



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 313. Usque Ad Annum 361

Fleury, Claude

August. Vind. [u.a.], 1758

VD18 90117778

Præfatio Interpretis.

[urn:nbn:de:hbz:466:1-66022](https://nbn-resolving.org/urn:nbn:de:hbz:466:1-66022)



PRÆFATIO
INTERPRETIS.



§. I.

En tibi, amice Lector!
tertiam Historiæ
Ecclesiasticæ Par-
tem! Lege in eum
finem, in quem scri-

*Historiæ
Ecclesiasti-
cæ finis.*

pta est, nempe non tantum
sciendi, sed & proficiendi animo.
Certe finis hujus Scriptionis
non fuit, ut mirabilibus factis

) (2 scien-

PRÆFATIO

sciendi aviditas pascatur, sed ut
solidis argumentis Christiani
Lectoris Fides roboretur, ejus-
que Pietas Exemplis Proborum
excitetur. Lege itaque non
minus præstantem quam utilem
Historiam! nam, si illa Historiæ
Pars, quæ Regiminis Politici o-
riginem, atque Regnorum ex-
ordia, augmenta, Gloriam, For-
tunam, Leges, Vicissitudines,
& Magnorum Virorum facta,
enarrat, ad Ethicam spectat,
quia per exempla pravos Ho-
minum affectus corrigere, re-
gere, & sibi ipsi imperare docet,
cur non æquali jure Historici
Studii Partem alteram, & no-
biliorem, quæ Veræ Ecclesiæ
Ortum, & Progressum, Disci-
plinam, Canones, Doctrinam,
diver-

INTERPRETIS.

diversum diversis temporibus
statum, & Sanctorum Exempla
exponit, Theologiæ Dogmati-
cæ, & Moralis oculum dextrum
esse dicamus, quo destitutus si
aliquis hujus scientiæ omnium
præstantissimæ, & immensæ Pe-
netralia ingressus fuerit, non se-
cus ac homo tenebris nocturnis
deprehensus, a veritate aberrat-
bit? Jam vero sicut Ethica ni-
hil illi prodesset, qui equidem
humanos affectus omnes accu-
rate enumerare, definire, & de
eorum proprietatibus effecti-
busque, differere didicisset, at
sui ipsius animi motus reprime-
re, cohibere, & se ipsum regere
non nosset, ita etiam Historiæ
Ecclesiasticæ, quæ Theologiæ
Dogmaticæ Germana soror est,

X 3 Lectio,

PRÆFATIO

Lectio, non illam quam oporteret utilitatem afferet legenti, nisi ideo legat, ut mentem in Doctrina Fidei confirmet, & mores ad Bonorum Christianorum Exemplar instituat.

§. II.

Ecclesie Libertas.

In ista Fleurianæ Historiæ Parte occurret illa Epocha, ubi JESU CHRISTI Ecclesia antea sub Ethnicis Principibus pressa a Constantino Magno libertate donata est. Tunc Ecclesiæ extructæ, tunc Cæremoniæ ordinatæ, Episcopis summus honor habitus, tunc Patriarcharum, Archiepiscoporum, Primatum, Metropolitanarum distinctæ Dignitates

tates innotuere, atque Sanctissimæ Christi Sponsæ Majestas in oculis Gentilium æque ac Christianorum resplenduit; ita ut intolerabilis omnino sit temeritas Interpretis Germani, in Præfatione ad primam Partem dicentis, ab initio æqualem omnibus Episcopis fuisse Potestatem, & ambitu Romanorum Episcoporum factum, ut unus in alios Dominatum quæreret. Qualiscunque denique prætextus arripiendus fuit homini, ut Ministrorum Protestantium, si eos cum Præfulum Catholicæ Ecclesiæ splendore conferas, vilitatem excusaret.

PRÆFATIO

§. III.

*Concilium
Nicenum.*

Occurret Concilium Universalis Nicenum, sequentium deinde omnium exemplar. Qui omnia hujus Concilii adjuncta pensaverit, deprehendet, concurrente utraque Potestate Ecclesiastica, & Cæsarea fuisse celebratum. Idem quod in primo, etiam in ultimo Concilio Generali Tridentino observandum, nempe unanimes consensu Summi Pontificis Pauli III. & Imperatoris Caroli V. fuisse inchoatum, quia diversarum Potestatum Auctoritas non ad eundem, sed ad fines diversos requiritur. Cæsareæ Majestatis est, Ecclesiam, quam Matrem venera-

INTERPRETIS.

neratur, tueri, & Improborum molimina reprimere. Episcoporum est, Spiritualia, & Causam Fidei pertractare. Quam Personam Constantinus Magnus in Concilio Niceno egerit, & ut plenissimam de Fide judicandi libertatem Episcopis reliquerit, res omnibus notissima est; hinc patet Interpretem Protestantem utriusque Potestatis officia non satis capere, & Catholicos injuria insimulare, quod in hac Materia Præjudiciis teneantur.

In hoc Concilio pestilens Arij Hæresis damnata. Si Ecclesia Catholica credidisset, solam Sacram Scripturam ad com-

) 5 ponen-

PRÆFATIO

ponendas lites, & definiendas
Quæstiones sufficere, cur tot
Episcopi ex variis Orbis Par-
tibus maxima eorum molestia
& ingentibus Cæsaris impensis
fuiſſent in unam Civitatem
convocati? Sed in Ecclesiæ
Liberæ primordiis, imo & i-
pſorum Apostolorum tempo-
re, omnes perſuaſum ſibi ha-
bebant, præter Sacram Scri-
pturam etiam Ecclesiæ Au-
ctoritatem eſſe neceſſariam, ut
Hæreſes legitime damnaren-
tur, & ſcirent Fideles, quid
ſibi ſine errandi periculo cre-
dendum, ſi Controverſia de
Fide oriretur. Id quidem de
omnibus erroribus, totam Ec-
cleſiam perturbantibus, verum,
at imprimis de Arianorum Hæ-
reſi,

INTERPRETIS.

refi, quæ multis, & in sensu literali atque in speciem claris textibus defendi potest. Hanc Hæresin Interpres Protestans damnat quidem, sed si eum Arianus aggredere, nisi ad Auctoritatem Concilii Niceni, id est, Ecclesiæ Romano-Catholicæ confugeret, vinceretur. Idem Interpres edita Parte quinta suæ Versionis in Nota pag. 178. Sermone ad Philopistum directo inquit: *Ersuche aber denjenigen/ der sich zu Maynz eine Critik über diese Kirchenhistorie / und Uebersetzung derselben angemasset hat. ꝛc.* Quis risum teneat? homo nullius nominis temeritatem esse putat, si quis ejus mendacia, & calumnias orbi

bi

PRÆFATIO

bi patefaciat. Doctissimus, & zelosissimus Philopistus anno 1756. Moguntiaë Indiculum edidit, cujus Titulus: **Be- trugsanzeige in Religions- schriften/** & demonstrat Interpretem Fleurii Protestantem, antequam in Parte prima Versionis suæ ad umbilicum pervenisset, sexies decies SS. Patrum, & Fleurii Textus corrupisse. Quid ipse respondet? Quomodo factum purgat? inepta humanitate rogat Philopistum, ut legat Sigonium, qui in S. Joannem I. Pontificem rustice invehitur, quod Legatione ad Imperatorem Orientis, ipsius opinione, pessime functus sit. Si tamen genuina sunt, quæ Interpres
Pro-

INTERPRETIS.

Protestans, nullius fidei homo, ex Sigonio excerptisse se dicit. Librum quem ipse citat: *Delineatio sincera veræ Cathol. Eccl.* nec in Moreri, quamvis alia Sigonii opera enumeret, nec in Graveson reperire est. Quæ Responsio? qualis purgatio? nempe tali Interprete digna. Reliqua hujus Notæ suo loco castigabuntur. Quid vero meis Annotationibus, Germano Idioma te anno 1757. editis, Interpretes iste responsurus est? Scilicet, cum aliud non possit, muliercularum more, convicia ingeret.

Interim, Amice Lector!
hanc recipe Partem Tertiam
Fleu.

PRÆFAT. INTERPR.

Fleurii, Auctoris, de quo Gra-
veson, Sacræ Facultatis Pari-
siensis Doctor, Ord. Fratrum
Prædicatorum, Scriptor etiam
in Germania celeberrimus in
sua Historia Ecclesiastica di-
cit: *Vivit adhucdum illustris-
simus ille Abbas ac propediem
votis omnium Virorum erudi-
torum factururus satis suam ele-
gantissimam absolvet Histo-
riam Ecclesiasticam*

Vale!



CON-